

*Nr. 1140.15  
Avt. 1.10.15  
Prm*

Side 1 av 2

# SAMLA SAKSFRAMSTILLING

## Tysnes kommune

---

Arkivsak : 13/479 -  
Arkivkode: 500

---

Sakshandsamar: Steinar Dalland

### Handsamingar:

Utvaksaknr.	Utval	Møtedato
PS 55/15	KOMMUNESTYRET	22.09.2015

### INTERKOMMUNAL STRANDSONEPLAN FOR SUNNHORDLAND - KOMMUNEDELPLAN

- Vedlegg:
1. Høyningsbrev – uprenta vedlegg
  2. Utkast til interkommunal strandsoneplan – uprenta vedlegg – sjå denne lenkja - <http://www.samarbeidsraadet-sunnhordland.no/prosjekt/strandsoneprosjekt>

### SAKSUTGREIING:

#### Bakgrunn

Samarbeidsrådet i Sunnhordland starta arbeidet med utvikling av ein strandsonestrategi i 2008, ein viktig føresetnad i strategien var at Sunnhordland fekk vera ein pilotregion for differensiert stranssoneforvaltning. Dette må igjen sjåast i samanheng med statens sitt framlegg til soneindeling i den overordna forvaltninga av strandsona.

Strandsona er viktig i Sunnhordland, både grunna at me har mykje strandline, men også ut frå at topografiske og historiske tilhøve gjer at svært mykje av busetnad og næringsverksemder er lokalisert innanfor eller i umiddelbar tilknytning til strandsona.

Arbeidet med planen er gjort i samarbeid med statlege og regionale etatar, både fylkeskommunen og fylkesmannen har delteke i arbeidet. Dette vert også spegla i planen som no ligg føre. Einkvar plan er eit kompromiss mellom dei ulike styringsnivåa, denne planen byggjer kompromisset inn i sjølve plandokumentet.

Planen er avgrensa til å dekka strandsona, forstått som landområda og ei utstrekning på om lag 50 meter ut i sjø. Dette gjev ei overlapping med regional kystsoneplan som no også skal til høyring, kommunen sitt utgangspunkt her bør vera at strandsoneplanen må leggjast til grunn ut frå denne områdeavgrensinga og at plangrensene i kystsoneplanen må justerast.

Den interkommunale strandsoneplanen er i seg sjølv ikkje juridisk bindande før den vert fylgt opp av kommuneplan eller kommunedelplan. Tanken er at fellesdelen skal gje ei felles plattform for kommunane sitt vidare arbeid her.

#### **Innhald i planen:**

Planen er volumiøs og såleis litt tungt tilgjengeleg, her burde det vore vurdert om deler av dokumentet burde vore teke ut av planen og lagt som vedlegg.

Kapittel 1 til 4 går gjennom bakgrunn for arbeidet, føringar, problemstillingar og litt om kunnapsgrunnlaget for arbeidet. Gjennomgangen er viktig for kommunen sin framtidige argumentasjon knytt til utvikling av eigne planar, men det er først i kapittel 5 at me kjem fram til planframlegget. Her er det også gjort vurderinger knytt til felles føresegner og retningsliner.

Planfagleg og metodisk gjer planen to viktige grep, dette er bruk av funksjonell strandsone og innføring av strandsonekategoriar. Det synes likevel ikkje utan vidare klart korleis desse analytiske grepene skal gje seg vidare utslag i byggjegrenser og andre juridiske føringar i arbeidet med den juridiske planen Dei forvaltningsstrategiane som vert lagt fram kan likevel vera eit bakteppe for vidare vurdering. Det er også lagt opp til bruk av omsynssoner i forvaltningsregime for dei ulike strandsonekategoriane, konksekvvensane av dette synes litt uklare i planen.

Framlegg til føresegner som er lagt fram i kap. 5 kunne vore nærmere konsekvensvurdert, korleis gjer desse føresegne det lettare eller vanskelegare å gjennomføra ønska tiltak i strandsona.

#### **INNSTILLING FRÅ RÅDMANNEN:**

Tysnes kommune tek framlegg til interkommunal strandssoneplan til orientering, planen gjev ein godt grunnlag for oppfølging gjennom kommunen si vidare planlegging.

Tysnes kommune meiner at deler av dei planfaglege grepene som er gjort i planen i større grad bør konsekvensvurderast. Dette gjeld særskilt kartfesting og ulike strandsonekategoriar. Det er lagt opp til bruk av omsynssoner ved fleire av strandsonekategoriane, det er behov for ei nærmare vurdering av konsekvensar av desse omsynssonene.

Planen framstår som eit kompromiss mellom kommunane sine ønskje om større eigenstyring av strandsona og føringar frå regionale og statlege mynde. Dette gjer også at einskilde av føresegne kan oppfattast litt tvetydige og det kan vera behov for å gjera ein nærmare konsekvensvurdering av føresegner og retningsliner opp mot vidare bruk i kommunane si planlegging.

Tysnes kommune meiner at planen bør sendast på ny høyring når ovannemnde konsekvensvurderingar er gjort.

#### **VEDTAK I KOMMUNESTYRET 22.09.2015:**

I samsvar med innstilling.